

ORIZZONTI (I tre livelli di conoscenza)

Siènnu ca l'ùccu su misi ri sùpra,
sùpra l'aurìccia, ciù sùpra râ vùcca,
ci a siri 'n sîgnu ntô viersu rê cosi :
Certu 'n divinu vuliri ri Chiddu,
ca, pi premiu, sùpra ru' pieri ni vosi :

Fuorsi pi virri luntanu, armenu 'n piliddu,
ciù ddà ri l'ùm'ra , ca 'u sulì ni cianta
r'attuornu, ciù ddà, ri 'nzoccu si senti
e si parra, ri cui l'uomu s'avanta.

E 'n puòcu ciù supra c'eni la menti,
ca pari 'nciùsa rintra 'a sa cella,,
e, ammèci, s'affaccia 'i tanti purtùsa,
ntisa a capiri, râ scienza, 'u valuri,
vûtata 'i rintra, ô vàsciu, curiùsa,
anzina ntô cori, a ribbigghiari l'amuri ;
e, puòi, ciù a fùnnu, nâ cuscienza va à 'gghiri,
pi ddàri ciù ri 'nzoccu s'aviri .

Pi prièju , 'n cima c'è 'a çiamma ciù 'ntenza,,
pri cui l'uomu è 'na sorta 'i cannila,
ca 'llùstra, 'rittu, 'a strata â Pruvirienza.

Fussi ca nu raju ri luci s'anfila
'nto scuru, rintra, 'nfùnnu, 'nzina â cuscienza ;
e , 'na stizza ri cira, comu cula,
riculassi 'i rutini râ scienza,
nô muòru ca la gghènti si cunzùla.

Iu, cuannu mina 'u sciùsciu ca la stuta,
jiènnu ddà Supra, accarizzu la spranza,
ca à virri, sutta, 'u munnu comu muta,
e arriva, finarmenti, ca si conza.